

Z cyklu: Òdjimczy słowã – 129 (Balladka ò cotczënym kùszkanim)

Môfi Broniszk taczi słodczy,
Że gò wcyg kùszkałë cotczy
Kòzdô rodzynnô impreza -
Białków ród nômili zeżart

Bë knôpika, taczi smaczek je:

- Na kòlónka pòj do babczë!
- Cotka Lusza gò pòzybie!
- Cotce Marce òn pòspiëwie!

- Jenkù, mùrkù, alaluszkù -
I jaż pòmión szedł òd kùsków
Wëslënióne knôpka pùzë,
Lëpné szminczi, òczné tusze

Kilo chemie w litrze slënë!
Dzyw, co òd te nie wëlëniôt...
Òsta w pamiãcë na wiedno
Całi białków ôrt mù zbrzëgnął

I czej bël ju ùstnym chłopã
Nie chcôt, cobë gò całowa
Żódnô piãknô ani brzëdkô
Ni miałë z Broniszã letkò...

Wiãc zapùscył gãstą brodã,
Co pòzmienia mù ùrodã
Òdtądka nie dostôt kùska
Nie pòznôt gò nawetk sąsòd...

Leno jedna Hònorata

Co za popa miała brata

Ùwidza so zarostégò

Ju gò miała za slëbnégò...

I zaprzëgła w rozwark žëcò

Jaž mù brodã szadzył przecąg

Skùńcił òmiwając gròpczi

Bez ne kùskajacé cotczi...

Tómk Fópka, Chwaszczëno, 14 łżëkwiata 2024 rokù, gòdz. 6.57 p.p.